

# INUIT ATAQATIGIIT

## INATSISARTUNI



UKA2024/28

03.Okt.2024

Mariane Paviaisen Jensen

**Takornariartitsinermik ingerlatsineq, sumiiffinni nunami  
aalajangersimasuni zone-nut agguasarneq il.il.  
inuussutissarsiutigalugu ingerlatsinermi aammalu killeqartumik  
sumiiffiit ilaanni angalaarsinnaaneq pillugit Inatsisartut inatsisaat.**

(Inuussutissarsiortermut, Niuernermut, Aatsitassanut, Inatsisit  
Atuutsinneqarnerannut Naligiissitaanermullu Naalakkersuisoq)

### Oqaaseqaat:

Inuit Ataqatigiit takornarissanut tunngasunik inatsisiliorneq qutsatigaluglugu nuannaarutigaarput.

Siunnersumi pineqartoq tassaavoq piffinni aalijangersimasuni takornariaqanermi ingerlatsinermi piffiit ilaanni angalaarsinnaaneq uninngaarsinnaanerullu killilersorneqarsinnaanerannik periarfissaqalerneq.

Takornariaqarnermi sullissisunut pineqartut tassaapput ullup ingerlanerani angallassinerit, unnuinertaqanngitsut, aammalu ulluni arlalinni sivisussusillit.

Takornariaqarnermi ingerlatsilersinnaanermut ingerlatsisinnaanermik qinnuteqartoqartassasoq anguniarneqarpoq akuersissutillu licensinik taagorneqarlutik.

Licensinik takornarialersinnaannermik qinnuteqartoqarsinnaalersinniarneqarpoq tamatumuuunakkullu takornarialerinemik ingerlatsisut qanoq sunillu suliaqarneri paasinarnerulersussaasaqq.

# INUIT ATAQATIGIIT

## INATSISARTUNI



Licensinik akuersissummik pissarsisinaasut tassaasapput inuit kalaallit nunaanni inuit allattorsimaffianni najugaqartutut allattorsimasuutigineqartut, inuit nunatsinnut tamakkiisumik akileraartartuusasut, namminerlu aningaasatigut inissimanermini akiliisinnaajunnaarsimasuusussaanani.

Licensimik tunineqarsinnaasoq aamma sillimaniarnikkut ingerlatsinermini pilersaarummik peqartussaasaqq, tassani sullissaminut, sulisuminut, imminermullu atuuttumik pilersitsimasussaalluni.

Naalakkersuisullu licensinut pissarsinissamut qinnuteqartunut akitsuummik akiliisitsisinnaanermut piumasaqarsinnaasapput.

Naalakkersuisut aamma piffinut assigiinngitsunut piffiit ilaannut killilersuillutillu immikkut malitassaliorssinnaanissaat piumasaqarsinnaatitaalertussaassapput.

Piumasaqaatinillu unioqqutitsinermi aamma piginnaatitsissut licensimik arsaarinnnittoqarsinnaalissaq.

Inuit Ataqatigiinni maluginianngitsuungilarput inatsisisatut siunnersuutip kingunerisassai, ilaatigut kaaviaartitat annertunerulernevik nunatsinni kinguneqartussaasoq, aammali licensinik pissarsinissami akiliuteqaqqaartalernissaq anguneqartussaammat.

Inuit Ataqatigiit iluarismaarparput nunatta inuisa illersorneqarnerulernevat takorialerinikkut annerusumik oqartussaasuseqarnerulerneput, aammalu nunatsinni nunaqqatitta aningaasarsiorsinnaanera annertusarneqassamat.

Matumani Inuit Ataqatigiinnut pingaaruteqartutut oqaatigiumasarput tassaavoq piniarfinnik pilisarfinnillu sumiiffippassuaqarmat kinguaariinniit kinguaariinnut ingerlaqqittartunik. Kulturitoqqatta attatiinnarnissaanut inuussutissarsiornikkut aningaasarsiornikkullu kalluaanngitsumk inatsisiornissarput pingaaruteqartutut isumaqarfingaarput. Nuna tummisarput kialuunniit piginngimmagu nunaqartullu

# INUIT ATAQATIGIIT

## INATSISARTUNI



inuusaassimittut ilitsoqqussaralugu atungarippassuk inuussutissarsiortunik tamassuma ataqqineqartuarnissa pingaartutut oqaatigerusupparput. Tamanna inatsisissatut siunnersuummi ersarissartikkusussinnaasatta ilagaat.

Suliassaq pingaaruteqaqimmat partiillu allat aamma suliassanik allanik peqassajunnarsimmata siunnersuut inuussutissarsiutinut aatsitassanullu ataatsimiititaliamut ingerlateqqipparput.

Qujanaq